

Den selbin acker haben wir dem egnanten Peter Storm zcu phande, alz phands recht ist, vor dy obgnanten phennige gesaczt. Actum M^o CCCLXXXVIII^o.

137.

(1389 --)

Hennel Clar kauft den Hof von Sperlings Kindern

fol. 20v Wisset daz Hennel Clarer hat gekowft dy hofstat wider Sperlinges kinder umme 4 ½ schoc, dy ires vater gewest ist und sy angestorbin waz und ouch Hennel Clarer nu gebuwet hat. Dor an dy egnanten kinder nichtis rechtis habin. Actum.

138.

1389 August 14

Martin Salzburger verpfündet einen Acker und eine Wiese.

fol. 21r Wisset daz Martinus Salburger hat des Runselers kindere gesaczt zu phande sinen acker, gelegen chen Rybinstorff, und sine wise vor dem hoen tor by Zcwuners acker vür czehen schoc misner gr, dy sy ym uff einen czins gelihen haben alle jar ein schoc, dy wile er und sine erben und anwarten di phennige yn den kindern nicht wider bezalt haben. Den acker habe wir unde der spitelmeyster dy wise den kindern vür di phenninge zu phande gelihen. Ouch hat Martinus und sine husfrawe den kindern zu dem obgnanten phanden gelobt, waz yn doran abe stunde und zu kurz komde umme ire phennige und czins, daz sy yn daz ervollen und erstaten wollin. Actum M^o CCC^o LXXXIX vigilia assumptionis Marie.

139.

1389 August 14

Nickel Botscher verpfündet Haus und Hof.

fol. 21r Wisset daz Nickel Botscher hat das Runselers kindern zu phande gesaczt sin hus und hoff vür funff schoc gr, dy sy ym uff einen czins gelihen haben alle jar 30 gr, di wile daz gelt den kinden nicht wider ggeben nach gericht ist. Daz hus hat daz gerichte, voit und schepphen, den kinden vor dy pheninge zu phande gelihen. Actum M^o CCC^o LXXXIX vigilia assumptionis Marie.